


Útgáfa 1.0
Júlí 2009

VIÐBRAGÐSÁÆTLUN
ALMANNAVARNA

Flugslysaáætlun fyrir Bakkaflugvöll



Ríkislögreglustjórinn

Lögreglustjórinn Hvalsveli

Almannavarnanefnd Rangárvallasýslu og

Vestur-Skaftafellssýslu

Flugstoðir ohf.



Flugslysaáætlun fyrir Bakkaflugvöll

EFNISYFIRLIT - KAFLASKIPTI

1.0 Inngangur	4
2.0 Staðhættir	5
3.0 Skilgreiningar	7
3.1 Virkjun.....	7
3.2 Háskastig.....	7
3.3 Skammstafanir	8
4.0 Boðun	9
4.1 Neyðarstig.....	9
4.2 Hættustig	10
5.0 Stjórnkerfi	11
5.1 Grunneiningar, hlutverk og tengingar stjórnkerfisins	11
5.2 Aðgerðastjórn	12
5.3 Verkpáttaskipurit fyrir aðgerðastjórn.....	13
5.4 Vettvangsstjórn.....	14
5.5 Verkpáttastjórar	15
5.6 Verkpáttaskipurit fyrir vettvangsstjórn	16
5.7 Samhæfingarstöðin.....	17
5.8 Flugvallarstjóri / -stjórn	17
5.9 Fjölmíðlar	17
5.10 Rannsókn vettvangs.....	18
5.11 Loftbrú	18
6.0 Starfssvæði	19
6.1 Móttökustaður bjarga (MÓT)	20
6.2 Biðsvæði á vettvangi (BF, BH og BTB).....	20
6.3 Slysstaður og næsta nágreppi (SLY)	21
6.4 Söfnunarsvæði slasaðra (SSS)	22
6.5 Fjöldahjálparstöð (FHS)	23
6.6 Söfnunarsvæði látinna (SSL)	24
6.7 Gæslustörf á vettvangi.....	25
6.8 Söfnunarsvæði aðstandenda (SSA).....	26
6.9 Talning/Skráning	27
7.0 Flugslys á sjó	28
8.0 Verkefni viðbragðsaðila	29
9.0 Skipulag fjarskipta	47
10.0 Kort	48
12.0 Breytinga saga	51
13.0 Viðaukar	52
13.1 Afstöðumynd af skipulag SSS í flugstöð	52
13.2 Talningablað	53

1.0 Inngangur

Flugslysaáætlunin segir fyrir um skipulag og stjórnun aðgerða í kjölfar flugslyss á eða við Bakkflugvöll. Hún er unnin af almannavarnadeild ríkislögreglustjóra og Flugstoðum í samvinnu við almannavarnanefnd Rangárvalla- og V-Skaftafellssýslu. Allir viðbragðsaðilar og aðrir, sem nefndir eru í áætluninni, voru hafðir með í ráðum.

Markmið áætlunarinnar eru að tryggja skipulögð viðbrögð við flugslysum á eða við **Bakkflugvöll** og að þolendum flugslyss berist öll nauðsynleg aðstoð á sem skemmstum tíma. Flugslysaáætlunin er til leiðbeiningar um fyrstu viðbrögð en felur ekki í sér endanleg fyrirmæli. Þannig getur lögreglustjóri ákveðið breytta starfstilhögun með tilliti til ástands og aðstæðna hverju sinni.

Lögreglustjórinn á Hvolsvelli, í samvinnu við almannavarnadeild ríkislögreglustjórans og Flugstoðir, ber ábyrgð á virkni áætlunarinnar og þessir aðilar vinna saman að uppfærslum og lagfæringum á henni en ritstjórn er á ábyrgð almannavarnadeildar. Áætlunin skal uppfærð á a.m.k. þriggja ára fresti en boðunarlista hjá Neyðarlínunni skal uppfæra eins oft og þörf krefur og eigi sjaldnar en árlega.

Á sama hátt skal lögreglustjórinn á Hvolsvelli, í samvinnu við almannavarnadeild ríkislögreglustjórans og Flugstoðir, beita sér fyrir því að allir þættir áætlunarinnar séu æfðir að minnsta kosti á fimm ára fresti. Einnig skal hann stuðla að reglubundnum æfingum einstakra verkþátta.



Allir sem tengjast áætluninni skulu taka saman verkáætlun með gátlistum um það hvernig þeir leysa þau verkefni sem þeim eru falin skv. 8. kafla og skila verkáætluninni og gátlistunum til lögreglustjórans á Vestfjörðum. Þessar verkáætlanir og gátlistar eru hluti af flugslysaáætlun Vestmannaeyjaflugvallar. Gátlistana skal uppfæra árlega.

Áætlunin miðast við verkþáttaskipunir SÁBF vegna aðgerða á slysavettvangi, sem var gefið út af Almannavörnum ríkisins í samstarfi við Landlækni, ríkislögreglustjóra, Brunamálastofnun, Slysavarnafélagið Landsbjörgu og Rauða kross Íslands.

Við gerð áætlunarinnar var stuðst við lög 82/2008 um almannavarnir, 132. grein loftferðalaga nr. 60/1998 og 6. grein lögreglulaga nr. 90/1996.

Flugslysaáætlunin tekur þegar gildi.

Hvolsvelli 28.07.2009

 Ríkislögreglustjóri	 Lögreglustjórinn á Hvolsvelli
 Almannavarnanefnd Rangárvalla- og V-Skaftafellssýslu	 Flugstoðir ohf.

2.0 Staðhættir

Bakkaflugvöllur (BIBA) er flugvöllur í flokki 2 (CAT) 2



Horft til austurs yfir Bakkaflugvöll.
Markarfljóts framundan en Dyrhólaey í
fjarska.

Ljós m. Mats Wibe Lund.

Staðsetning flugvallar:

Bakkaflugvöllur er í landi bæjarins Bakka, rétt vestan við ósa Markarfljóts og skammt ofan sjávar á Landeyjasandi. Um það bil 25 kílómetra akstur er til Hvolsvallar.

Flugvallarsvæði:

Bakkaflugvöllur stendur á uppgrónu svæði neðst í landi Bakka, rétt ofan marka gróins lands og fjöru. Beint suður af suðurenda N-S brautar blasa við Vestmannaeyjar aðeins örfáa kílómetra í burtu. Segja má að Bakkaflugvöllur sé “heimavöllur” Eyjamanna.

Flugbrautir:

Flugbrautir eru tvær. Önnur austur-vestur en hin norður-suður. Brautirnar liggja í 12/30 og 03/21 áttir. Þegar lent er td. á brautarenda 30 þýðir það að lent er í segulstefnu (misvísandi) 300 gráður.

<i>Lengd / breidd:</i>	<i>Austur-vesturbraut er 1000 m. löng en Norður-suður er 800m. þær eru báðar 30 metra breiðar með öryggissvæðum á alla kanta.</i>
<i>Hnattstaða:</i>	<i>Miðju staðsetning flugbrauta er: 633322N og 0200815W.</i>
<i>Meðalhæð:</i>	<i>Meðalhæð yfir sjávarmáli er 9,2 metrar eða 30 fet.</i>
<i>Yfirborðsefni:</i>	<i>Tjörubundin grús (A-V braut) með Ralumac efni á miðju brautar. Norður-suðurbraut er grasi vaxinn.</i>
<i>Akbrautir:</i>	<i>Ein stutt akbraut frá vesturenda A-V brautar inn á flughlað.</i>
<i>Ljós:</i>	<i>Brautarljós</i>

Mannvirki:	Flugstöð, tækjageymsla og flugturn, sambyggt.
Öryggisbúnaður:	Almennur en rúmlega skv. CAT 2. Slökkvibíll skv.slökkviflokki 3(CAT3).
Vegir,slóðar:	Vegslóði liggur út frá austurenda A-V brautar að malarnámum. Annar slóði liggur vestan við N-S braut. Hann liggur til sjávar en frá honum liggur slóði til vesturs. Almenn er torfært í kring um völinn og þó sérstaklega allt svæðið sunnan hans.
Flugumferð:	Yfirgnæfandi hluti flugumferðar er leiguflug milli Bakka og Vestmannaeyja með 5 til 9 manna flugvélum.
Þjónustutímar:	Að jafnaði er þjónustutími vallarins frá 08:00 til 19:00



Horft til SSA yfir Bakkafloogvöll. Landeyjasandur í baksýn. Efst til hægri má sjá Elliðaey og Bjarnarey sem standa báðar rétt austan Heimaeyjar.



Afstaða Bakkafloogvallar og Heimaeyjar. Sjá má daufar útlínur vallarins í hringnum.

3.0 Skilgreiningar

3.1 Virkjun

Flugslysaáætlunina er hægt að virkja á Neyðarstigi, Land eða Sjór. Forsendur virkjunar liggja í samráði flugradíómanns í flugturni og flugstjóra loftfars (ef vélin er enn á flugi). Þannig tilkynnir flugradíómaður í flugturni Neyðarlínunni um á hvaða stig skuli virkja áætlunina. Þeir sem heimild hafa til að virkja áætlunina eða óska eftir afboðun á henni eru:

- Flugturninn á Bakka
- Lögreglan á Hvolsvelli
- Flugstjórnarmiðstöðin í Reykjavík
- Samhæfingarstöðin

3.2 Háskastig

1. Neyðarstig (land)

Ástand þar sem vitað er að loftfar er í alvarlegri, yfirvofandi hættu og þeir sem í því eru þarfnast tafarlausrar aðstoðar. T.d. flugslys á landi.

2. Neyðarstig (sjór)

Ástand þar sem vitað er að loftfar er í alvarlegri, yfirvofandi hættu og þeir sem í því eru þarfnast tafarlausrar aðstoðar. T.d. flugslys á sjó.

3. Afboðun

Um leið og ljóst er að ekki er þörf á öllum þeim björgum, sem virkjaðar hafa verið samkvæmt áætluninni, skal Neyðarlínan tafarlaust hefja afboðun.

3.3 Skammstafanir

AS	Aðgerðastjórn /-stjóri
AHS	Aðhlyningarstjóri
AVN/Av-nefnd	Almannavarnanefnd
ETD	Áætlaður brottfarartími (Esteimated Time of Departure)
ETA	Áætlaður komutími (Esteimated Time of Arrival)
BF	Biðsvæði flutningstækja
BH	Biðsvæði hjálparliðs
BTB	Biðsvæði tækja og búnaðar
FST	Flugstoðir
TWR	Flugturn
HSU	Heilbrigðisstofnunin Suðurlands
IL	Innri lokun
LSH	Landspítali Háskólasjúkrahús
LP	Lendingarsvæði fyrir þyrlur
Mhz	Megahertz
MÓT	Móttökustaður fyrir bjargir
RNF	Rannsóknarnefndin flugslysa
RKÍ	Rauði kross Íslands
SST	Samhæfingarstöðin
SLY	Slysstaður / slysavettvangur
MRCC	Stjórnstöð sjóbjörgunar (Maritime Rescue Coordination Centre)
SÁBF	Stjórnun-Áætlun-Bjargir-Framkvæmd – verkþáttaskipturit fyrir AS og VS
SSA	Söfnunarsvæði aðstandenda
SSL	Söfnunarsvæði látinna
SSÓ	Söfnunarsvæði óslasaðra
SSS	Söfnunarsvæði slasaðra
F	Verkþátturinn Flutningar
G	Verkþátturinn Gæslustörf
L og B	Verkþátturinn Leit og björgun
S og F	Verkþátturinn Sjúkra- og fjöldahjálp
VHF	Very High Frequency
VS	Vettvangsstjórn / -stjóri
YL	Ytri lokun

4.0 Boðun

Eftirtaldir boða þá, sem verkskyldur hafa, til starfa:

Flugradíómaður í flugturninum á Bakka gerir eftirfarandi aðilum viðvart:

- Starfsmönnum flugvallarins (um kallkerfi)
- Neyðarlínu 112 (um síma)
- Flugstjórnarmiðstöðina í Reykjavík

og tilkynnir um virkjun:

- **NEYÐARSTIG-LAND eða NEYÐARSTIG-SJÓR**
- **líklega staðsetningu** atburðar í hnitum skv. korti.
- Auk þess veitir hann eftir föngum upplýsingar um atburðinn (sjá nánar kafla 8).

Ef það kemur í ljós að ekki er þörf á öllum þeim björgum sem virkjaðar eru skal flugradíómaður í flugturninum á Bakka, að höfðu samráði við VS/AS, fela Neyðarlínu að hefja afboðun.

4.1 Neyðarstig

Neyðarlína 112 boðar:

NEYÐARSTIG - LAND – Bakkaflugvöllur

AST Rangárvalla- og V- Skaftafellssýslu
Björgunarfélag Vestmannaeyja
Björgunarsveit Landeyja
Björgunarsveitina Bróðurhöndina
Björgunarsveitina Dagrenningu
Flugbjörgunarsveitina Hellu
Flugstjórnarmiðstöðina í Reykjavík
Landhelgisgæsluna
Lögreluna á Hvolsvelli
Rannsóknarnefnd flugslysa
Ríkislögreglustjórn - almannavarnadeild – hóp 1 og2
RKÍ Rangárvallasýsludeild
Sjúkraflutningar Rangárþingi
Sjúkrahúsið á Selfossi
Sjúkrahúsið í Vestmannaeyjum
Brunarvarnir Rangárvallasýslu
Starfsmenn Flugstoða á Bakka
Svæðisstjórn björgunarsveita – svæði 16
Vaktlæknir heilsugæslu Rangárþings
Lögrelan í Vestmannaeyjum
LSH

Í kafla 8 eru tilgreind hlutverk hvers aðila í áætluninni.

4.2 Hættustig

Neyðarlína 112 boðar:

NEYÐARSTIG - SJÓR – Bakkaflugvöllur


AST Rangárvalla og Skaftafellssýslu
Björgunarfélag Vestmannaeyja
Björgunarsveit Landeyja
Björgunarsveitina Bróðurhöndina
Björgunarsveitina Dagrenningu
Flugbjörgunarsveitina Hellu
Flugstjórnarmiðstöðina í Reykjavík
Landhelgisgæsluna
Lögreglan í Vestmanneyjum
Lögregluna á Hvolsvelli
Rannsóknarnefnd flugslysa
Ríkislögreglustjórn - almannavarnadeild – hóp 1 og 2
RKÍ Rangárvallasýsludeild
Sjúkraflutningar Rangárþingi
Sjúkrahúsið á Selfossi
Sjúkrahúsið í Vestmannaeyjum
Brunarvarnir Rangárvallasýslu
Starfsmenn Flugstoða á Bakka
Svæðisstjórn björgunarsveita – svæði 16
Vaktlæknir heilsugæslu Rangárþings
Vaktstöð siglinga

Í kafla 8 eru tilgreind hlutverk hvers aðila í áætluninni.

5.0 Stjórnkerfi

5.1 Grunneiningar, hlutverk og tengingar stjórnkerfisins

Stjórnkerfið – Grunneiningar – Hlutverk – Tenging



5.2 Aðgerðastjórn

Yfirstjórn aðgerða samkvæmt flugslysaáætluninni er á ábyrgð lögreglustjórans á Hvolsvelli sem getur skipað aðgerðastjórn í samvinnu við almannavarnanefnd.

Aðgerðastjórn er að jafnaði þannig skipuð:

Lögreglustjórinn á Hvolsvelli eða staðgengill hans - **aðgerðastjóri**

Fulltrúi Slökkviliðs Hvolsvallar

Fulltrúi Heilbrigðisstofnunar Suðurlands

Fulltrúi Svæðisstjórnar björgunarsveita - svæði 16

Fulltrúi Rauða kross deildar Hvolsvallar

Fulltrúar flugrekanda og Flugstoða verði því við komið

Fulltrúar sveitarstjórnar

Aðgerðastjórn skal huga að starfsliði til að sinna eftirtöldum verkefnum:

- Símsvörun
- Skráningum og almennri ritvinnslu og meðferð upplýsinga
- Fjarskiptum

Helstu verkefni aðgerðastjórnar:

- Stjórn og samræming heildaraðgerða innan aðgerðasvæðisins
- Virkjun starfseininga innan umdæmis
- Yfirstjórn og bakland vettvangsstjórnar
- Tengsl við Samhæfingarstöðina
- Tryggja samskipti við söfnunarsvæði aðstandenda
- Tryggja samskipti við flugvöll og flugturn
- Tryggja samskipti við fjölmiðla í samráði við hlutaðeigandi aðila (sjá kafla 5.9 - fjölmiðlar)
- Tryggja, í samráði við flugrekanda, að farþegalisti sé réttur áður en hann er gefinn út
- Yfirfæra vettvanginn til Rannsóknarnefndar flugslysa þegar aðgerðum er lokið

Aðsetur aðgerðastjórnar:


Aðalaðsetur:

Stjórnstöð aðgerðarstjórnar í húsnæði
FBS á Hellu

Varaaðsetur:

Lögreglustöðin á Hvolsvelli

5.3 Verkbáttaskipurit fyrir aðgerðastjórn



5.4 Vettvangsstjórn

Heildarstjórn aðgerða á vettvangi samkvæmt flugslysaáætluninni er í höndum vettvangsstjóra skv. umboði lögreglustjóra. Vettvangsstjóri kemur að jafnaði úr röðum lögreglunnar. Hann skal hafa þjálfun og reynslu af vettvangsstjórn, sé þess kostur.

Vettvangsstjórn vegna flugslyss á eða við Bakkaflugvöll er skipuð fulltrúum frá:

- Lögreglunni á Hvolsvelli
- Slökkviliðinu á Hvolsvelli
- Svæðisstjórn björgunarsveita sv. 16.

Vettvangsstjóri skal skipta verkefnum milli aðila í vettvangsstjórn eftir aðstæðum hverju sinni.

Vettvangsstjórn skal skipa fólk í skráningu, fjarskipti og önnur störf eftir þörfum.

Mikilvæg verkefni vettvangsstjórnar:

- Heildarstjórn og samhæfing aðgerða á vettvangi í samræmi við verkþáttaskiputið SÁBF skv. umboði lögreglustjóra.
- Sá sem er skipaður í *Framkvæmd* skal vera í fjarskiptasambandi við verkþáttastjórana (sjá næsta kafla) og helst vera hreyfanlegur (hafa bíl til umráða til þess að fara á milli vettvangsstjórnarinnar og hinna ýmsu starfssvæða).
- Skipulagning fjarskipta á vettvangi.
- Að tryggja fjarskipti við aðgerðastjórn.

Aðsetur vettvangsstjórnar:

Aðalaðsetur: Flugturninn (þegar lífsbjargandi aðstoð á slysstað er um garð gengin)

Varaaðsetur: Eftir aðstæðum

Merkja skal vettvangsstjórnarbilinn tryggilega með segulmerki eða fána: VS

5.5 Verkpáttastjórar

Á hverju starfssvæði og við hvern verkpátt starfa margar verkeiningar eða starfsstéttir. Nauðsynlegt er að samhæfa störf þeirra og er það hlutverk verkpáttastjóranna en þeir eru millistjórnendur sem stýra og samhæfa verkþætti á vettvangi í umboði vettvangsstjóra.

Verkpáttastjórar	Aðilar sem skipa verkpáttastjóra	Vinnusvæði
Björgunarstjóri	Fyrst Flugstoðir síðar Slökkv. Hvolsvallar	Við slysstað
Aðhlyningarstjóri	Björgunarsv.maður síðan Heilbrigðisstarfsmaður	Við söfnunarsvæðin
Gæslustjóri	Lögreglan á Hvolsvelli	Hreyfanlegur eftir þörfum
Flutningastjóri	Svæðisstjórn björgunarsveita	Hreyfanlegur eftir þörfum

Fyrstu verk allra verkpáttastjóra eru:

- Hafa samband við vettvangsstjórn og fá fyrirmæli
- Fá yfirsýn yfir þann mannskap og tæki sem koma, meta hvort fjöldinn hentar
- Skipa undirstjórnendur og útdeila verkefnum

Björgunarstjóri stjórnar og samhæfir starfsemi í eða við flugvélarflak, þ.á.m. slökkvistörf, björgun úr flaki og burð slasaðra frá flaki.

Hann skal jafnframt:

- Tryggja fjarskipti frá slysstað til vettvangsstjóra og að söfnunarsvæði slasaðra.
- Staðfesta við vettvangsstjórn fjölda þolenda í vélinni.
- Setja fólk í talningu þolenda skv. Bráðaflokkun.
- Setja fólk í hleðslu sjúkrabíla og annarra sjúkraflutningstækja.

Aðhlyningarstjóri stjórnar og samhæfir starfsemi á söfnunarsvæði slasaðra. Fyrsta verk aðhlyningarstjóra er að undirbúa móttöku á þolendum frá slysstað.

Hann skal jafnframt:

- Undirbúa söfnunarsvæði slasaðra.
- Setja upp greiningarsvæði fyrir framan söfnunarsvæði slasaðra.
- Setja fólk í skráningu við greiningarsvæði.
- Tryggja fjarskiptasamband við slysstað.

Gæslustjóri stjórnar og samhæfir umferðarstjórn á vettvangi og verndun og gæslu allra starfssvæða á vettvangi.

Hann skal jafnframt:


- Setja upp innri lokun við slysstað.
- Tryggja að fyrirfram ákveðnir lokunarpóstar séu uppsettir.
- Ræða við vettvangsstjórn um þörf á umferðarstjórnun og framkvæmd hennar.
- Setja upp söfnunarsvæði látinna.
- Vernda starfssvæði, eftir því sem þess er óskað.
- Vernda vettvang þar til afhending til RNF hefur farið fram.
- Vernda áhöfn eftir þörfum.

Flutningastjóri stjórnar og samhæfir starfsemi á móttökustað, biðsvæðum og nýtingu flutningatækja. Hann hefur umsjón með framkvæmd sjúkraflutninga og flutningi á óslösuðum.

Hann skal jafnframt:

- Tryggja að móttökustaður sé starfandi og nægilega mannaður.
- Tryggja að biðsvæði séu mönnum með umsjónaraðilum.
- Ræða við vettvangsstjórn um flutningsþörf og flutningsleiðir.
- Útvega bíla í flutninga við slysstað og söfnunarsvæðin.

5.6 Verkbáttaskipurit fyrir vettvangsstjórn



5.7 Samhæfingarstöðin

- Halda uppi virku sambandi við aðgerðastjórn.
- Skipuleggja stuðning við aðgerðastjórn og útvega bjargir utan umdæmis skv. beiðni hverju sinni.
- Skipuleggja og stjórna flutningi slasaðra milli umdæma.
- Sjá um heildarsamræmingu aðgerða á milli umdæma, sem m.a. felst í að halda uppi virku sambandi við:
 - höfuðstöðvar þeirra viðbragðsaðila sem eru við störf.
 - þær fjöldahjálparstöðvar sem virkjaðar eru utan umdæmis.
 - þau sjúkrahús sem taka á móti slösuðum.
 - þær ríkisstofnanir sem veita aðstoð.
 - erlendar björgunarmiðstöðvar, eftir þörfum.

5.8 Flugvallarstjóri / -stjórn

Stjórn Bakkaflugvallar er á höndum rekstrarstjóra Flugstoða á Vestmannaeyjaflugvelli. Daglegri stjórn vallarins er sinnt af: Flugradiómanni í flugturni í samráði við rekstrarstjóra flugvallarins. Þau störf fela m.a. í sér:

- Ábyrgð á flugvallarsvæðinu.
- Ákvörðun um opnun eða lokun flugvallarins fyrir umferð að lokinni brautarskoðun.
- Halda uppi samskiptum við aðgerðastjórn, m.a. vegna sjúkraflugs um völlinn.
- Halda uppi samskiptum við starfsfólk í flugstöð.
- Halda uppi samskiptum við flugfélögin á Bakkaflugvelli.
- Halda uppi samskiptum við flugturninn vegna frekara flugs.
- Halda uppi samskiptum við aðra aðila / starfseiningar innan Flugstoða.
- Tryggja samskipti við Rannsóknarnefnd flugslysa (RNF) vegna starfa hennar á flugvöllum.
- Annast samskipti við eiganda loftfars, tryggingafélag og RNF vegna brottflutnings flaksins

5.9 Fjölmiðlar

Hverjir sinna þeim.

Fjórar meginstarfseiningar koma að samskiptum við fjölmiðla.

- Lögreglustjóri / Aðgerðastjórn (stjórnandi aðgerðarinnar)
- Flugrekandi (eigandi loftfarsins)
- Flugmálastjórn (yfirstjórn flugmála)
- Samhæfingarstöðin (samhæfing aðgerða)

Að jafnaði getur Samhæfingarstöðin aðstoðað lögreglustjóra / aðgerðastjórn í samskiptum við fjölmiðla, fyrst um sinn.

Mikilvægt er að fulltrúar þessara fjögurra aðila / starfseininga hafi samráð vegna samskipta við fjölmiðla meðan á aðgerðinni stendur og hugsanlega eftir að henni lýkur.

Helstu verkefni:

- Eins fljótt og auðið er skal senda fréttatilkynningu til fjölmiðla og síðan reglulega eftir því sem þurfa þykir.
- Tilnefna skal einn tengilið við fjölmiðla.
- Ákvarða skal fasta tíma til að senda út upplýsingar um stöðu mála.
- Sé þess kostur skal ákvarða stað þangað sem fjölmiðlar geta komið og fengið upplýsingar.

Aðgengi að vettvangi:

Lögreglustjóri tekur ákvörðun um aðgengi fjölmiðla að vettvangi á meðan björgunaraðgerðum stendur. Að þeim loknum tekur Rannsóknarnefnd flugslysa ákvörðun um það. Eftir að nefndin hefur lokið sínum störfum er aðgangur fjölmiðla að vettvangi á ábyrgð flugvallarstjóra (ef vettvangur er innan flugvallarsvæðis) eða lögreglu (ef vettvangur er utan flugvallarsvæðis).

Upplýsingar um afdrif þolenda:

Upplýsingar um afdrif þeirra, sem lenda í flugslysi, eru á ábyrgð lögreglustjóra og skulu ekki veittar fjölmiðlum nema með vitund og samþykki eftirtalinna eftir því sem við á:

- Lögreglustjóra
- Flugrekanda
- Samhæfingarstöðvarinnar

5.10 Rannsókn vettvangs

Mikilvægt er að allir, sem starfa á vettvangi, gæti þess að spilla ekki ummerkjum vegna rannsókna. Rannsókn vettvangs er tvíþætt. Annars vegar er rannsókn Rannsóknarnefndar flugslysa (RNF) sem lýtur að því að upplýsa orsök slyssins. Hins vegar er rannsókn lögreglunnar, sem lýtur að því að upplýsa hvort um refsvert athæfi geti verið að ræða.

- Rannsókn getur hafist samhliða björgunaraðgerðum.
- RNF tekur við vettvangsstjórn eftir að björgunaraðgerðum er lokið.
- RNF og rannsóknarmenn lögreglu skulu setja sig í samband við vettvangsstjóra og þegar björgunaraðgerðum er lokið flugvallarstjórn, vegna starfa sinna.
- Eiganda vélar og tryggingafélagi í samvinnu við flugvallarstjórn er heimilt að fjarlægja flak, eftir að RNF hefur lokið störfum og gefið heimild til þess.

5.11 Loftbrú

Eftir að Neyðarlínan hefur boðað út skv. boðunaráætlun er Samhæfingarstöðin mönnuð. Þá setur neyðarvörður strax í gang undirbúning loftbrúar sem Samhæfingarstöðin tekur við þegar hún hefur verið mönnuð. Virkjað er strax í upphafi fyrir flutning á helmingi farþegafjölda eða sætafjölda ef farþegafjöldi liggur ekki fyrir. Samhæfingarstöðin leitar m.a. eftir upplýsingum frá AS um þörf á björgum til að senda með loftbrúnni á slysstað. Þegar loftbrú er komin í gang sér FST-maður í Samhæfingarstöðinni um samskipti við vélina í gegnum flugstjórn og turn á Bakka. Turninn á Bakka tilkynnir AS um brottfarir sjúkraflugs frá Bakka og FST-maður í Samhæfingarstöðinni leitar upplýsinga um ástand sjúklinga í gegnum flugmann vélarinnar.

6.0 Starfssvæði

Í þessum kafla er fjallað um starfssvæðin sem þarf að skipuleggja þegar tekist er á við hópslys. Það er ljóst að ef ekki er um að ræða slys, þar sem margir eru slasaðir, mun ekki verða þörf á að virkja öll starfssvæðin. Engu að síður þarf að gera ráð fyrir þeim í skipulaginu og frekar að virkja þau frá upphafi og síðan að loka þeim ef ekki reynist þörf fyrir þau en að ætla að ákveða í miðri aðgerð hvað á að virkja og hvað ekki.

Einnig er hér fjallað um verkefni og lokanir sem ekki er hægt að setja niður sem ákveðið starfssvæði.

Starfsvæðum má skipta í tvo megin flokka. Söfnunarsvæði, sem ætluð eru þolendum óhappsins, og biðsvæði sem ætluð eru þeim björgum er bíða eftir verkefnum eða hafa lokið sínum verkefnum og bíða eftir því að vera leystar frá störfum. Um nánari skilgreiningar á starfssvæðum og verkefnum, sem nefnd eru í þessum kafla, vísast til vettvangsstjórnarheftis almannavarna.

Söfnunarsvæði fyrir þolendur

- Söfnunarsvæði slasaðra (SSS)
- Söfnunarsvæði látinna (SSL)
- Söfnunarsvæði aðstandenda (SSA)

Biðsvæði fyrir bjargir

- Biðsvæði hjálparliðs (BH)
- Biðsvæði tækja & búnaðar (BTB)
- Biðsvæði flutningstækja (BF)

6.1 Móttökustaður bjarga (MÓT)

Starfsemi: Staður þar sem bjargir tilkynna sig til skráningar inn á svæðið í verkefni, ýmist með því að mæta á staðinn eða tilkynna sig í gegnum fjarskipti og fá staðfestingu á ákvörðunarstað.

Staðsetning land: 1) Á bifreiðastæði við félagsheimilið Gunnarshólma A-Landeyjum
2) Annað eftir ákvörðun vettvangsstjóra eða flutningastjóra.

Staðsetning sjór: 1) Eftir ákvörðun vettvangsstjóra

Verkbáttastjóri: Flutningastjóri

Hverjir sinna: Lögreglan á Hvolsvelli
Björgunarsveitir

Kortatákn:



6.2 Biðsvæði á vettvangi (BF, BH og BTB)

Starfsemi: Staðir sem bjargir bíða á þangað til þeim hefur verið úthlutað í verkefni eða á meðan þær eru í hvíld. Þaðan eru bjargir sendar í verkefni samkvæmt fyrirmælum vettvangsstjóra. Halda þarf skrá um allar bjargir í samvinnu við Móttöku. Biðsvæði geta verið innan eða utan við ytri lokun (innri- eða ytri- biðsvæði).

Staðsetning land: 1) Á bifreiðastæði við félagsheimilið Gunnarshólma A-Landeyjum.
2) Annað eftir ákvörðun vettvangsstjóra eða flutningastjóra.

Staðsetning sjór: 1) Ef um er að ræða biðsvæði fyrir báta tilkynnir VSS um staðsetningu
2) Eftir ákvörðun vettvangsstjóra

Verkbáttastjóri: Flutningastjóri

Hverjir sinna: Lögreglan á Hvolsvelli
Björgunarsveitir

Kortatákn:

Biðsvæði
flutningatækja



Biðsvæði
hjálparliðs



Biðsvæði
tækja og búnaðar



6.3 Slysstaður og næsta nágrenni (SLY)

Starfsemi: Björgun fólks úr hættu, frumgreining, umönnun og undirbúningur fyrir flutning á söfnunarsvæði slasaðra til frekari greiningar og skráningar, slökkvistörf og eldvarnir, mengunarvarnir, leit umhverfis flakið og hreinsunarstörf.

Staðsetning land: Staðurinn þar sem slysið er og næsta nágrenni. Afmarkast oft af innri lokun.

Staðsetning sjór: Svæðið þar sem flak flugvélarinnar er (ath getur verið dreift).


Verkbáttastjóri: Björgunarstjóri

Aðrir stjórnendur: Þegar yfirmaður greiningarsveitar Heilbrigðisstofnunarinnar Suðurlands mætir á slysstað gefur hann sig fram við björgunarstjóra og tekur yfir stjórnun á bráðaflokkun og forgangsröðun vegna flutnings á söfnunarsvæði slasaðra SSS.

Hverjir sinna: Slökkvilið Bakkflugvallar
Starfsmenn flugfélaga á Vestmannaeyjaflugvelli
Brunavarnir Rangárvallasýslu
Lögreglan á Hvolsvelli
Greiningarsveit Heilbrigðisstofnunarinnar Suðurlands
Björgunarsveitir

Þá starfar Rannsóknarnefnd flugslysa við slysstað. Þegar björgunarstarfi er lokið tekur Rannsóknarnefnd flugslysa yfir stjórn vettvangsins af vettvangsstjóra.

Kortatákn:



6.4 Söfnunarsvæði slasaðra (SSS)

Starfsemi: Staður sem slösuðum er safnað á til greiningar, skráningar, umönnunar og forgangsröðunar til flutnings. Þar fer einnig fram hleðsla og afhleðsla sjúkrabifreiða. Gefa þarf fyrirmæli um ákvörðunarstað og eftirlit í flutningi og koma á fjarskiptasambandi við slysstað og sjúkrahús. Einnig þarf að tryggja flutning óslasaðra yfir á SSÓ

Staðsetning land: Flugstöð Bakkaflogvallar

Staðsetning sjór: Ákvörðun vettvangsstjóra í samráði við aðgerðarstjórn og aðhlyningarstjóra

Verkbáttastjóri: Aðhlyningarstjóri

Aðrir stjórnendur: Yfirmaður greiningarsveitar Heilbrigðisstofnunarinnar Suðurlands stjórnar greiningu, læknisfræðilegri meðferð og forgangsröðun á söfnunarsvæði slasaðra SSS.

Hverjir sinna: Greiningarsveit Heilbrigðisstofnunarinnar Suðurlands Sjúkraflokkar björgunarsveita

Kortatákn:



Afstöðumynd af uppsetningu SSS í flugstöð er í viðauka í 13. Kafla.

6.5 Fjöldahjálparstöð (FHS)

Starfsemi: Í fjöldahjálparstöð er safnað saman þeim þolendum sem við læknisskoðun á SSS hafa verið metnir óslasaðir. Þar fer fram:

Móttaka og skráning þolenda
Úrvinnsla á skráningu með það að markmiði að sameina fjölskyldur
Aðhlyning
Gæsla á verðmætum
Almenn og sálræn skyndihjálp
Sálgæsla sem er veitt af prestum
Áfallahjálp sem er veitt af fulltrúum HSU
Upplýsingamiðlun til aðstandenda
RKÍ

Staðsetning land: Félagsheimilið Gunnarshólma


Staðsetning sjór: Ákvörðun aðgerðarstjórnar

Verkbáttastjóri: Þetta starfssvæði fellur undir aðgerðastjórn

Aðrir stjórnendur: Fjöldahjálparstjóri stjórnar starfsemi í fjöldahjálparstöð

Hverjir sinna: Áfallahjálparteymi HSu
Rauða kross deild Rangárvallasýslu
Prestar

Kortatákn:



6.6 Söfnunarsvæði látinna (SSL)

Starfsemi: Staður þar sem líkum eða líkamshlutum er safnað, kennsl, skráning og skýrslugerð fer fram.

Staðsetning land: Bílgeymslur Bakkaflugvelli

Staðsetning sjór: Ákvörðun vettvangsstjóra í samráði við gæslustjóra og aðhlyningarstjóra

Verkbáttastjóri: Gæslustjóri

Hverjir sinna: Lögreglan á Hvolsvelli

Kortatákn



6.7 Gæslustörf á vettvangi

Starfsemi: Lokun svæða fyrir umferð, verndun vettvangs og gæsla eftir þörfum á starfssvæðum og biðsvæðum, skipulagning á umferðarstjórn og umsjón með Söfnunarsvæði látinna.

Verkbáttastjóri: Gæslustjóri

Ytri lokun: Á gatnamótum niður að flugstöð ef slysstaður er á flugvelli


Innri lokun: Í aksturshliðinu við flugstöð ef slysstaður er á flugvelli

Bílaumferð á flugv.: Þar sem við á getur þurft að stýra umferð viðbragðsaðila á vellinum t.d. með tilliti til sjúkraflugs. Gert í samvinnu við flugvallarstarfsmenn með keilur og talstöðvarsamband við flugturn.

Hverjir sinna: Lögreglan á Hvolsvelli
Björgunarsveitir


Kortatákn:

Innri lokun



Afmarkar þau svæði sem eru algjörlega lokuð öðrum en neyðarþjónustuaðilum.

Ytri lokun



Afmarkar umráða- og starfssvæði vettvangsstjórnar.

6.8 Söfnunarsvæði aðstandenda (SSA)

Starfsemi: Staður þar sem aðstandendum er safnað saman til upplýsingagjafar, skráningar, huggunar og stuðnings. Sameining aðstandenda og þeirra sem komust óslasaðir frá slysinu.

Staðsetning


land og sjór: Félagsheimilið Gunnarshólma

Verkbáttastjóri: Þetta starfssvæði fellur undir aðgerðastjórn.

Aðrir stjórnendur: Fjöldahjálparstjóri stjórnar starfsemi á SSA.

Hverjir sinna: Rauða kross deild Rangárvallasýslu
Áfallahjálparteymi HSu
Prestar

Kortatákn:



6.9 Talning/Skráning

Skráning/talning þolenda í áföllum er mikilvæg vegna margra hluta. Nauðsynlegt er að stjórnendur hafi yfirsýn hvar þolendur eru á hverjum tíma þar sem ákvarðanir um aðgerðir eru að stóru leiti byggðar á þeim upplýsingum. Verkefnið talning sett undir Gæslustjóra. Gæslustjóri eða fulltrúi hans sér um að taka saman tölur frá talningapóstum og gefur upp stöðuna til VS. Talið inn og út af söfnunarsvæðum með þar til gerðu talningablaði. Þegar þolendur fara af svæðinu á sjúkrastofnanir eða önnur söfnunarsvæði utan VS skilja þeir eftir afrifur greiningarspjalda við síðasta talningapóst.

Verkbátarstjóri: Gæslustjóri

Hverjir sinna: Lögreglan í Vestmannaeyjum
Björgunarsveitir

Kortatákn:

TALNING

Á slysstað.

Þar fer fram bráðaflokkun og í því kerfi eru þolendur taldir eftir bráðaflokkun og gefur þetta fyrstu upplýsingar um ástand þolenda á slysstað.

Af slysstap (ef þarf).

Þar fer fram talning þeirra sem fluttir eru. Þetta gefur stöðuna á hvað margir eru á slysstað hverju sinni.

Á söfnunarsvæði slasaðra.

Þar er talið inn og út af svæðinu.

Á söfnunarsvæði látinna.

Þar fer fram skráning á látnum og líkamshlutum.

Af svæðinu

Þegar þolendur fara af SSS eða fjöldahjálparstöð með flugi eða öðrum hætti skilja þeir eftir afrifur Bráðaflokkunarspjalds.

Það er hlutverk VS í samvinnu við SST að vinna úr skráningum og tryggja að vitað sé um alla sem í slysinu lentu þegar aðgerðum er lokið.

Talningablað – sjá viðauka í 13. Kafla.

7.0 Flugslys á sjó

Hér gildir sjókafli flugslysaáætlunar fyrir Vestmannaeyjaflugvöll og skal unnið samkvæmt henni. Hlutar flugslysaáætlunar fyrir Bakkflugvöll kunna að verða notaðir eftir því sem við á samkvæmt ákvörðun stjórnenda.

8.0 Verkefni viðbragðsaðila

Í þessum kafla er verkefnum þeirra, sem skyldum hafa að gegna í flugslysaáætlun Vestmannaeyjaflugvallar, gerð skil. Nauðsynlegt er að allir þekki og skilji sín verkefni. Allir aðilar, sem hér hafa hlutverk, skulu útbúa gátlista byggða á þessum verkefnum og leggja þá fyrir lögreglustjórnann í Vestmannaeyjum til samþykktar.

Flugstjórnarmiðstöðin í Reykjavík

NEYÐARSTIG- LAND

AÐALVARÐSTJÓRI SKAL :

- Kynna nánustu yfirmönnum stöðu mála (samkv. starfsreglum)
- Aðvara aðstoðarframkvæmdastjóra ATM
- Aðvara upplýsingafulltrúa FST
- Útvega fullkomna flugáætlun (ef við á)
- Endurreikna flugáætlun loftfarsins (ef við á)
- Skoða fyrri upplýsingar frá loftfarinu (ef við á)
- **Senda flugvél FST í loftið til miðunar og fjarskiptamiðlunar (ef við á)**
- Senda þyrlur á slysstað (ef við á)
- Láta spila fjarskipti við loftfarið (ef við á)
- Láta spila ratsjargögn (ef við á)
- Senda starfsmenn FST í Samhæfingarstöð / Björgunarmiðstöð í Skógahlíð
- Gera ráðstafanir til lokunar loftrýmis (ef við á)
- Aðstoða flugturn Bakkflugvallar eins og þurfa þykir
- Aðstoða Samhæfingarstöðina eins og þurfa þykir eftir að hún er virkjuð
- Halda tímaskráningu á atburðarás
- Vinna að öðru leyti samkvæmt gildandi starfsreglum í flugstjórnarmiðstöð
- Gera annað sem að gagni mætti koma

NEYÐARSTIG - Sjór

AÐALVARÐSTJÓRI SKAL :

- Kynna nánustu yfirmönnum stöðu mála (samkv. starfsreglum)
- Aðvara aðstoðarframkvæmdastjóra ATM
- Aðvara upplýsingafulltrúa FST
- Útvega fullkomna flugáætlun (ef við á)
- Endurreikna flugáætlun loftfarsins (ef við á)
- Skoða fyrri upplýsingar frá loftfarinu (ef við á)
- **Senda flugvél FST í loftið til miðunar og fjarskiptamiðlunar (ef við á)**
- Senda þyrlur á slysstað (ef við á)
- Láta spila fjarskipti við loftfarið (ef við á)
- Láta spila ratsjargögn (ef við á)
- Senda starfsmenn FST í Samhæfingarstöðina
- Gera ráðstafanir til lokunar loftrýmis (ef við á)
- Aðstoða flugturn Bakkflugvallar eins og þurfa þykir
- Aðstoða Samhæfingarstöðina eins og þurfa þykir eftir að hún er virkjuð
- Halda tímaskráningu á atburðarás
- Vinna að öðru leyti samkvæmt gildandi starfsreglum í flugstjórnarmiðstöð
- Gera annað sem að gagni mætti koma

Flugturninn á Bakkaflugvelli

NEYÐARSTIG- LAND

- 1 Tilkynna eftirtöldum um slysið og virkjun flugslysaáætlunar á neyðarstigi-land:
 - 1 Neyðarlínunni með Tetratalstöð.
 - 1 Með upplýsingum um:
 - 1 Virkjunarstig - **Neyðarstig-land**
 - 1 Eðli slyss og staðsetningu (hnit skv. korti í flugslysaáætlun eða kennileiti / örnefni).
 - 1 Tegund vélar og sætafjölda eða farþegafjölda.
 - 1 Hvort eldar logi.
 - 2 Tekur Tetrastöðina með úr turni.
 - 2 Klæðist slökkvigalla, heldur á slysstað og hefur björgunarstörf. Heldur því áfram þar til frekari hjálp berst.
 - 2 Tilkynnir loftförum um lokun flugvallarins ef þörf er á.
 - 2 Ef slysið er fjarri flugvelli: Senda flugvélar á vettvang til upplýsingaöflunar ef kostur er.
 - 2 Ef kostur er: Upplýsir viðbragðsaðila á leið á vettvang með Tetrastöðinni, hvert eigi að mæta og gróft um ástand á slysstað.
 - 2 Tekur að sér vettvangsstjórn þangað til lögreglustjóri hefur leyst hann frá þeirri skyldu.
- 3 Upplýsa flugstjórn þegar flugradiómaður er mættur aftur í turn og um ástand, m.a. með tilliti til sjúkraflugs.
- 3 Fá upplýsingar frá viðkomandi flugrekanda um farþegafjölda og biðja um að farþegalisti og farmskrá verði send til Samhæfingarstöðvar í Skógarhlíð , sími 570-2623, netfang framkvaemd@sst.is
- 3 Upplýsa aðgerðastjórn /vettvangsstjórn um áætlaðan komutíma (ETA) sjúkraflugvéla og eða brottför sjúkraflugs.

Skýringar:

- 1 Verk unninn á fyrstu mínútum inni í turni
- 2 Verk unnin inni í turni, á leið á slysstað eða á slysstað.
- 3 Verk unnin eftir að flugradiómaður er kominn aftur í flugturn

Flugturninn á Bakkaflugvelli

NEYÐARSTIG - Sjór

- 1 Tilkynna eftirtöldum um slysið og virkjun flugslysaáætlunar á neyðarstigi-sjó:
 - 1 Neyðarlínunni með Tetratalstöð.
 - 1 Tilkynna á neyðarás skipa rás 16
 - 1 Með upplýsingum um:
 - 1 Virkjunarstig - **Neyðarstig-sjór**.
 - 1 Eðli slyss og staðsetningu (hnit skv. korti í flugslysaáætlun eða kennileiti / örnefni).
 - 1 Tegund vélar og sæta fjölda eða farþegafjölda.
 - 1 Biðja nærstadda báta um aðstoð við leit og björgun.

- 2 Tilkynnir loftförum um slysið og biðja þau um að svipast um eftir vélinni og afla upplýsinga ef kostur er.
- 2 Upplýsir viðbragðsaðila á leið á vettvang með talstöð neyðarrás skipa **Rás 16**
- 2 Taka með Tetrahandstöð og handstöðvar á flugrás og björgunarrás (ef maður fer úr turni).
- 3 Upplýsa flugstjórn þegar flugradiómaður er mættur aftur í turn um ástand, m.a. með tilliti til sjúkraflugs.
- 3 Kannar með tiltækar flugvélar á Bakka eða Vestmannaeyjum til leitarflugs og eða sjúkraflugs og lætur aðgerðar/vettvangsstjórn og fulltrúa FST í Samhæfingarstöð vita. Sími 570-2623, netfang framkvaemd@sst.is
- 3 Fær upplýsingar frá viðkomandi flugrekanda um farþegafjölda og biðja um að farþegalisti og farmskrá verði send til aðgerðar/vettvangsstjórnar og fulltrúa FST í Samhæfingarstöð
Upplýsir aðgerðastjórn / vettvangsstjórn um áætlaðan komutíma (ETA) eða brottfarartíma (ETD) sjúkraflugvéla. Sími 570-2623, netfang framkvaemd@sst.is

Skýringar:

- 1 Verk unninn á fyrstu mínútum inni í turni
- 2 Verk unnin inni í turni eða á leið á slyssað.
- 3 Verk unnin eftir að flugradiómaður er kominn aftur í flugturn

Starfsfólk flugfélags (verkefni vegna flugslyss)

NEYÐARSTIG- LAND

- Klæðist hlífðarfatnaði (öryggisvesti), setur búnað (teppi, börur ofl. í flugvallarbíl og heldur á slysstað til aðstoðar við slökkvi- og björgunarstörf.
- Þegar kominn er nægur mannaflí er kominn á slysstað, halda upp í flugstöð.
- Undirbúa flugstöð sem SSS (söfnunarsvæði slasaðra)
- Hengir upp merkingar svæða (noti fólk í flugstöð til aðstoðar).
- Aðstoðar við rýmingu flugstöðvar og vísar fólki söfnunarsvæði aðstandenda í félagsheimilinu Gunnarshólma, þar sem frekari upplýsingar verði veittar.
- Kanna hvort heilbrigðisstarfsfólk eða aðrir þjálfaðir viðbragðsaðilar séu í flugstöð sem mætti virkja til björgunaraðgerða.
- Róa fólk sem kann að vera í uppnámi.
- Útvega réttan nafnalista og farmskrá og senda vettvangsstjórn og aðgerðastjórn.
- Aðstoðar við umönnun slasaðra.

NEYÐARSTIG - Sjór

- ⊖ Klæðist öryggisvesti.
- ⊖ Aðstoðar turnmann eftir óskum hans.
- Undirbúa Flugstöð sem SSS (ef þörf krefur).
- Hengir upp merkingar svæða (noti fólk í flugstöð til aðstoðar).
- Aðstoðar við rýmingu flugstöðvar (ef þörf krefur) og vísar fólki söfnunarsvæði aðstandenda í félagsheimilinu Gunnarshólma, þar sem frekari upplýsingar verði veittar.
- Kanna hvort heilbrigðisstarfsfólk eða aðrir þjálfaðir viðbragðsaðilar séu í flugstöð sem mætti virkja til björgunaraðgerða.
- Róa fólk sem kann að vera í uppnámi.
- Útvega réttan nafnalista og farmskrá og senda vettvangsstjórn og aðgerðastjórn.
- Aðstoðar við umönnun slasaðra.

Neyðarlínan

NEYÐARSTIG - LAND

1. Boðar viðbragðsaðila samkvæmt boðunarlista í kafla 4.

BOÐUNARKÓÐI FYRIR NEYÐARSTIG - LAND:

NEYÐARSTIG - LAND – Bakkflugvöllur

2. Mannar borða 112 í SST

NEYÐARSTIG - Sjór

1. Boðar viðbragðsaðila samkvæmt boðunarlista í kafla 4.

BOÐUNARKÓÐI NEYÐARSTIG - SJÓR:

NEYÐARSTIG - SJÓR – Bakkflugvöllur

2. Mannar borða 112 í SST

Lögreglan á Hvolsvelli

NEYÐARSTIG- LAND

1. Varðstjóri felur Neyðarlínu að boða lögreglulið á lögreglustöð.
2. Sendir tiltækt lögreglulið á vettvang.
3. Tilnefnir Vettvangsstjóra og Gæslustjóra.
4. Gerir ráðstafanir vegna lokana og umferðarstjórnunar

NEYÐARSTIG - Sjór

1. Tekur ákvörðun með hliðsjón af slyssað hvar björgunarbátar skulu lenda og lætur fylgja boðun.
2. Varðstjóri felur Neyðarlínu að boða lögreglulið á lögreglustöð.
3. Sendir tiltækt lögreglulið og vettvangsstjóra á vettvang.
4. Sendir lögreglulið til að loka af og einangra landingarstað björgunarbáta fyrir annari umferð en neyðarumferð.
5. Tilnefnir Vettvangsstjóra og Gæslustjóra.
6. Gerir ráðstafanir vegna lokana og umferðarstjórnunar.

Heilbrigðisstofnun Suðurlands

NEYÐARSTIG- LAND

1. Boðar hópslysastjórn skv. hópslysaáætlun sjúkrahússins
2. Sendir greiningarsveit til söfnunarsvæðis slasaðra. Stjórnandi greiningarsveitar gefur sig fram við vettvangsstjóra og fær nauðsynlegar merkingar, tekur að sér stjórn greiningar, fyrstu hjálpar og umönnunar þolenda á söfnunarsvæði slasaðra. Sjá einnig um forgangsröðun í sjúkraflutningstæki og um ákvörðunarstað til framhaldsmeðferðar þeirra
3. Annað starfsfólk heilsugæslu / sjúkrahúss undirbýr móttöku og umönnun þolenda, sem send verða á þangað
4. Yfirfer búnað, birgðir og áhöld til hópslysamóttöku og kemur tafarlaust boðum til aðgerðarstjórnar um það sem vanta muni til hópslysamóttökunnar

NEYÐARSTIG - Sjór

Sömu verkefni og Neyðarstig – land, aðlagð að aðstæðum.

Heilsugæsla Rangárbings

NEYÐARSTIG - LAND

1. Vaktlæknir kallaður á vettvang
2. Heilsugæslustöðvar á Hvolsvelli og Hellu virkjaðar og starfsfólk kallað út
3. Starfsfólk heilsugæslu undirbýr móttöku og umönnun þolenda, sem send verða þangað
4. Yfirfer búnað, birgðir og áhöld til hópslysamóttöku og kemur tafarlaust boðum til aðgerðarstjórnar um það sem vanta muni til hópslysamóttökunnar
5. Starfsfólk undirbýr að fara á vettvang með viðeigandi búnað ef á þarf að halda

NEYÐARSTIG - Sjór

Sömu verkefni og Neyðarstig – land, aðlagað að aðstæðum.

Brunavarnir Rangárvallasýslu

NEYÐARSTIG- LAND

1. Sendir allt tiltækt slökkvilið á slyssað til slökkvistarfa og björgunar úr flaki.
2. Að loknu slökkvistarfi og björgun úr flaki skulu slökkviliðsmenn byrja að hlúa að slösuðum og flytja þá á SSS í flugstöð.
3. Tilnefnir Björgunarstjóra.

NEYÐARSTIG - Sjór

1. Er í viðbragðsstöðu
2. Hefur ekki hlutverk á Neyðarstig sjór

Björgunarsveitir

NEYÐARSTIG- LAND

1. Mæta á biðsvæði bjarga við félagsheimilið Gunnarshólma A-Landeyjum
2. Fara á slystað og hefja störf við aðhlyningu og fyrstuhjálp ásamt því að aðstoða slökkvilið við slökkvistörf eins og þarf.

NEYÐARSTIG - Sjór

1. Slöngubátur strax sendur til sjósetningar.
2. Meðferðis verði nauðsynlegur aðhlyningarbúnaður (teppi, börur)

Svæðisstjórn björgunarsveita, svæði 16

NEYÐARSTIG- LAND

1. Fulltrúar mæta í AST á Hellu
2. Fulltrúar mæta í VST á Bakka
3. Skipar Flutningsstjóra

NEYÐARSTIG - Sjór

4. Fulltrúar mæta í AST á Hellu
5. Fulltrúar mæta í VST á Bakka
6. Skipar Flutningsstjóra

Aðgerðastjórn Almannaþingar Rangárvalla- og Vestur Skaftafellssýslu

NEYÐARSTIG- LAND

- Stjórnstöð yfirfarin og starfshæfni hennar tryggð
- Vaktaskipti skipulögð ef um langtímarstarf er að ræða
- Vettvangsstjóri sendur á slysstað og falin uppsetning starfssvæða og stjórn aðgerða
- Fjarskipta- og símasambönd yfirfarin og hlustun tryggð
- Afstaða tekin til tilkynninga og neyðarupplýsinga til almennings
- Farþegalisti örugglega staðfestur áður en hann er gerður opinber
- Virkni heilsugæslu/Sjúkrahúss Suðurlands könnuð og milliganga höfð um útvegum birgða, lækna og hjúkrunarfólks frá öðrum umdæmum í samvinnu við Samhæfingarstöðina

NEYÐARSTIG - Sjór

- Stjórnstöð yfirfarin og starfshæfni hennar tryggð
- Vaktaskipti skipulögð ef um langtímarstarf er að ræða
- Vettvangsstjóri sendur á slysstað og falin uppsetning starfssvæða og stjórn aðgerða
- Fjarskipta- og símasambönd yfirfarin og hlustun tryggð
- Afstaða tekin til tilkynninga og neyðarupplýsinga til almennings
- Farþegalisti örugglega staðfestur áður en hann er gerður opinber
- Virkni heilsugæslu/Sjúkrahúss Suðurlands könnuð og milliganga höfð um útvegum birgða, lækna og hjúkrunarfólks frá öðrum umdæmum í samvinnu við Samhæfingarstöðina

Rauða kross deild Rangárvallasýslu

NEYÐARSTIG- LAND

1. Neyðarnefnd og fjöldahjálparstjórar mæta í fjöldahjálparstöð / söfnunarsvæði aðstandenda í félagsheimilinu Gunnarshólma A-Landeyjum.
2. Sambandi komið á við aðgerðastjórn.
3. Sambandi komið á við fulltrúa á landsskrifstofu RKÍ (581 1948).
4. Stuðningsaðilar kallaðir út.

NEYÐARSTIG - Sjór

1. Neyðarnefnd og fjöldahjálparstjórar mæta í fjöldahjálparstöð / söfnunarsvæði aðstandenda félagsheimilinu Gunnarshólma A-Landeyjum.
2. Sambandi komið á við aðgerðastjórn.
3. Sambandi komið á við fulltrúa á landsskrifstofu RKÍ (581 1948).
4. Stuðningsaðilar kallaðir út.

Landspítalinn, slysadeild

NEYÐARSTIG- LAND

1. LSH móttækur boð um neyðarstig frá Neyðarlínu.
2. LSH fer á viðbragðsstig samkvæmt hópslysaáætlun LSH.
3. Greiningarsveit undirbýr brottför á slysstað.

NEYÐARSTIG - Sjór

1. LSH móttækur boð um neyðarstig frá Neyðarlínu.
2. LSH fer á viðbragðsstig samkvæmt hópslysaáætlun LSH.
3. Greiningarsveit undirbýr brottför á slysstað.

Fjarskiptamiðstöð ríkislögreglustjóra

NEYÐARSTIG- LAND

1. Fulltrúi Fjarskiptamiðstöðvar mannar borð FMR í SST.
2. Tryggir flutning á greiningarsveit frá LSH á flugvöll eða annað eftir atvikum.
3. Boðar kennslanefnd ríkislögreglustjórans.

NEYÐARSTIG - Sjór

1. Fulltrúi Fjarskiptamiðstöðvar lögreglu mannar borð FML í SST.
2. Tryggir flutning á greiningarsveit frá LSH á flugvöll eða annað eftir atvikum.
3. Boðar kennslanefnd ríkislögreglustjórans.

Landhelgisgæslan

NEYÐARSTIG- LAND

1. Sendir þyrlur á slysstað í samráði við Samhæfingarstöðina / SST
2. Sendir flugvél á slysstað í samráði við SST
3. Beinir nálægum varðskipum að slysstað/annað, ef við á, í samráði við SST

NEYÐARSTIG - Sjór

1. Sendir þyrlur á slysstað í samráði við Samhæfingarstöðina / SST
2. Sendir flugvél á slysstað í samráði við SST
3. Beinir nálægum varðskipum að slysstað/annað, ef við á, í samráði við SST

Samhæfingarstöðin

NEYÐARSTIG- LAND

1. Á NEYÐARSTIGI F1 er Samhæfingarstöðin virkjuð með tilliti til fjölda þeirra sem verða fyrir slysinu samkvæmt verklagsreglum SST
2. Verkefni eru samkvæmt gátlistum-hópslys
3. Heldur uppi virku sambandi við vettvangsstjórn
4. Skipuleggur stuðning við vettvangsstjórn og útvegar bjargir utan umdæmis skv. beiðni hverju sinni
5. Skipuleggur og stjórnar flutningi slasaðra milli umdæma
6. Sér um heildarsamræmingu aðgerða á milli umdæma sem m.a. felst í því að halda uppi virku sambandi við:
 - o höfuðstöðvar þeirra viðbragðsaðila sem eru við störf
 - o þær fjöldahjálparstöðvar sem virkjaðar eru utan umdæmis
 - o þau sjúkrahús sem taka á móti slösuðum
 - o þær ríkisstofnanir sem veita aðstoð

NEYÐARSTIG - Sjór

1. Á NEYÐARSTIGI F1 er Samhæfingarstöðin virkjuð með tilliti til fjölda þeirra sem verða fyrir slysinu samkvæmt verklagsreglum SST
2. Verkefni eru samkvæmt gátlistum-hópslys
3. Heldur uppi virku sambandi við vettvangsstjórn
4. Skipuleggur stuðning við vettvangsstjórn og útvegar bjargir utan umdæmis skv. beiðni hverju sinni
5. Skipuleggur og stjórnar flutningi slasaðra milli umdæma
6. Sér um heildarsamræmingu aðgerða á milli umdæma sem m.a. felst í því að halda uppi virku sambandi við:
 - o höfuðstöðvar þeirra viðbragðsaðila sem eru við störf
 - o þær fjöldahjálparstöðvar sem virkjaðar eru utan umdæmis
 - o þau sjúkrahús sem taka á móti slösuðum
 - o þær ríkisstofnanir sem veita aðstoð

Við flugslys á sjó þarf SST að útvega flutning fyrir greiningarsveit LSH á staðinn.


9.0 Skipulag fjarskipta

Grundvallarskipulag fjarskipta er sem hér segir: Samhæfingarstöðin og Aðgerðastjórn eru með sín samskipti um rás **Av_uppk_1**. Aðgerðarstjórn og Vettvangsstjórn eru á rás **Av_SL_1**. Vettvangsstjórn er í samskiptum við Verkbáttastjóra á rás **Av_SL_2**. Við fyrstu tilkynningu frá flugturni um slys er viðkomandi rás tengd hjá FMR inn á **Av_SL_1** til samskipta við Vettvangsstjórn.


Verkbáttastjórar og þeirra verkþættir nota sínar vinnurásir eins og best hentar miðað við aðstæður til samskipta sín á milli.

Við **flugslys á sjó** færast meginþungi fjarskipta yfir á **Rás 16**, neyðarrás skipa. Frekari skipting fjarskipta er svo ákveðin af vettvangsstjóra.

10.0 Kort



Bakkaflugvöllur
Kort 1



11.0 Dreifingarlisti


Þeir aðilar sem hafa hlutverk samkvæmt áætluninni eiga að hafa eintak af áætluninni í sinni starfsstöð.

12.0 Breytinga saga

Útgáfa	Dagsetning	Skýringar / breytingar	Fært inn
0.1	16.09.2008	Drög	
0.1	27.10.2008	Drög	SKR
0.2	29.10.2008	Drög	
0.3	06.11.2008	Drög	
1.0	29.07.2009	Útgáfa 1.0	RÓ

13.0 Viðaukar

13.1 Afstöðumynd af skipulagi SSS í flugstöð



13.2 Talningablað

Talningastaður

 SLY SSS SSL LP HLIÐ _____

Númer greiningarspjalds sett í viðeigandi reit eftir lit viðkomandi spjalds.

GRÆNN		GULUR		RAUÐUR		SVARTUR	
5	Kl.	5	Kl.	5	Kl.	5	Kl.
	⋮		⋮		⋮		⋮
10	Kl.	10	Kl.	10	Kl.	10	Kl.
	⋮		⋮		⋮		⋮
15	Kl.	15	Kl.	15	Kl.	15	Kl.
	⋮		⋮		⋮		⋮
20	Kl.	20	Kl.	20	Kl.	20	Kl.
	⋮		⋮		⋮		⋮

Nafn talningamanns: _____

Blað nr. _____ Af _____

SKILIST TIL GÆSLUSTJÓRA